

ЙИЛБОШИ МУБОРАК БЎЛСИН, АЗИЗ ЮРТДОШЛАР!

Я Н Г И Х А Ё Т У Ч У Н, Я Н Г И Ў З Б Е К И С Т О Н У Ч У Н !

Ҳаёт ҳикмати

Шавкат МИРЗИЁЕВ:

Янги Ўзбекистоннинг бизнес салоҳиятини оширишда биз сизларга ишонамиз. Бир нарсадан кўнгилларингиз тўқ бўлсин: Президент доимо сизларга энг яқин кўмакчи, таянч ва суянч бўлади. Сизлар янгилик қилишдан чарчаманглар, мен қўллаб-қувватлашдан чарчамайман.

20-mart
2025-yil 11 (1 113)



O'ZLIDEP



АХХР

IJTIMOIY - SIYOSIY GAZETASI

21asr.uz

@XXIasr_yangiliklari

asrgazetasi

XXI_asr@mail.ru

xxiasrgazetasi

XXIasrgazetasi

Gazeta 2004-yil 1-yanvardan chop etila boshlagan

ҚАДРИЯТЛАРИНГ БОЎҚИЙ БЎЛСИН,

Наврўз!



ЎЗБЕКИСТОН – ФРАНЦИЯ: ТАРИХИЙ ТАШРИФ

ТАФСИЛОТ – ТААССУРОТЛАР

ЎЗБЕКИСТОН РЕСПУБЛИКАСИ ПРЕЗИДЕНТИ ШАВКАТ МИРЗИЁЕВНИНГ ФРАНЦИЯГА ҚИЛГАН ТАРИХИЙ ДАВЛАТ ТАШРИФИНИ КУЗАТАРКАНМАН, БЕИХТИЁР ЭСИМГА УЛУҒ ШОИР, ЎЗБЕКИСТОН ҚАҲРАМОНИ АБДУЛЛА ОРИПОВНИНГ “ТЕМУР ТИҒИ ЕТМАГАН ЖОЙНИ ҚАЛАМ БИЛАН ОЛДИ АЛИШЕР” ДЕГАН САТРАЛАРИ КЕЛДИ. ЎЗИНИНГ БЕТАКРОР ВА БЕБАҲО ИЖОД НАМУНАЛАРИ БИЛАН ҲАЗРАТ НАВОИЙ БУТУН ДУНЁ МАДАНИЯТИГА УЛКАН ҲИССА ҚЎШГАНИ ЭЪТИРОФ ЭТИЛАДИ.

3

Наврўз
muborak bo'lsin!

**ТАДБИРКОРЛАР ВА ИШБИЛАРМОНЛАР ҲАРАКАТИ –
ЎЗБЕКИСТОН ЛИБЕРАЛ-ДЕМОКРАТИК ПАРТИЯСИ**

халқимизни, миллионлаб маслакдошларимиз ва фаолларимизни янги умидлар, янги режалар байрами – Наврўзи олам билан самимий муборакбод этади! Мустақилликни мустаҳкамлаш йўлида халқимиз билан биргаликда, баҳамжиҳат амалга ошираётган ислохотларимиз Ватанимизнинг ёруғ келажаги кафолати бўлсин! Кутлуғ айёмнинг шуқуҳи кўнглингизни йил бўйи тарқ этмасин! Шарқона янги йил оилаларимизга тинчлик-омонлик, файз-барака олиб келсин! Йилбошимиз – Наврўз кутлуғ бўлсин, азизлар!

ДАРВОҚЕ:
Ҳозирги кунгача О'zLiDeP тизимидаги жами **16 137** та бошланғич партия ташкилотларининг **9 993** тасида ҳисобот-сайловлари бўлиб ўтди. Шундан **1 141** та БПТда янги раислар сайланган бўлса, **8 852** тасида намунали фаолият юритган етакчилар яна ўз ўрнида қолди.

O'ZLIDEP

Ishbilarmon ayol
10 yoshda

Ayollar qanoti
Ayollar qanoti

5

ФАРФОНАДА МАҲАЛЛА БАНКИРЛАРИ қандай ишляпти?

6.



Миллиардларни хурсанд қилаётган ХУСАНОВ

8.



ТАҲЛИЛ

ЯНГИ ДАВР ВА ИСЛОҲОТЛАР

ПАРТИЯНИНГ МАСЪУЛИЯТИ ҚАНДАЙ БЎЛМОҒИ КЕРАК?

Кечагидек эсимда, ўтган йилнинг 18-20 ноябрь кунлари Олий Мажлис палаталарининг сайловдан кейинги биринчи мажлислари бўлиб ўтди. "Парламент – халқ уйи! Депутат ва сенаторлар – халқ хизматчиси!" ғояси остида ўтган ушбу йиғилишларда Президентимиз Шавкат Мирзиёев иштирок этди ва нуқт сўзлади.

Давлатимиз раҳбари бу жараёнда барча идора ва ташкилотлар, масъуллар ва ижро органларининг фаолияти, мамлакатимиз ижтимоий-сиёсий ҳаёти, иқтисодий муносабатлари, халқаро алоқалари, одамларнинг кундалик турмуш тарзига доир устувор вазифаларни белгилаб берди.

Ўтган уч ойдан ортироқ давр давлат раҳбарининг ушбу мажлислардаги нуқталари бутун жамиятимиз, барча муассаса ва ташкилотлар, жумладан, O‘zLiDeP фаолияти учун ҳам дастуриламал вазифасини бажараётганини яққол намоён қилди.

Президент таъбири билан айтганда, "Мамлакатимиз ўз олдига қўйган стратегик ва жорий вазифаларни амалга оширишда, барча бўғиндаги ташкилотлар зиммасидаги масъулият ҳозирги мурракб замонада ҳар қачонгидан ҳам ортиб бормоқда". Бунда, аввало, ҳар қандай фаолият, барча ўзгариш янгилишлар, истиқболли ислохотларнинг самарасига эришиш, қўлга киритилган натижаларни мустақамлаш мазкур субъектларнинг энг муҳим вазифаси эканига алоҳида эътибор қаратилгани бежиз эмас.



рени инobatта олиш муҳим. Қонун ҳужжатларида маҳаллий ва умумдавлат манфаатларини уйғунлаштиришга алоҳида эътибор қаратиш лозимлиги шубҳасиз. Шу маънода эндигина бошланган беш йилликдаги O‘zLiDePнинг фаолиятида қонун ижодкорлиги ва парламент назорати жараёнига халқимизни кенг жалб қилиш, ҳукумат соати институтини фаолиятини кучайтириш ва бунинг учун рақамли технологияларни жорий этиш зарурлигини алоҳида таъкидлаш лозим. Бу жиҳатдан қонунлар сифати, парламент назорати ва сайловчилар билан учрашувлар самардорлигини янада ошириш зарурлигига эътибор қаратиш муҳим аҳамият касб этмоқда. Аини пайтда парламент ва депутатлар сўровининг таъсирчанлигини ошириш зарурати пайдо бўлмоқда.

диган, сиёсий билими ва онги юксак, ўз Ватанини чин дилдан севадиган инсондир. Оила, маҳалла ва бутун жамиятда тинчлик, меҳр-оқибат ва ҳамжиҳатлик муҳитини мустақамлаш, ёшларни ватанпарварлик руҳида тарбиялаш, халқаро майдонда Ўзбекистон манфаатларини қатъий ҳимоя қилишда халқимиз, барчамиз аввало сизларга таянамиз", дея таъкидлагани бежиз эмас.

дан-тўғри иштирок этиши учун шароит яратди ҳамда қонунларнинг ҳаётини ва самарали бўлишини таъминлайди.

Янгилашган Конституциямизга кўра, давлат бюджети ижроси устидан назоратни амалга ошириш Қонунчилик палатасининг мутлақ ваколатига қиради. Шу боис палатанинг бу борадаги ишини янада кучайтириш, жумладан, ҳукуматнинг давлат бюджетига доир барча ҳисоботларини палатага фақат Бюджет кодексига белгиланган аудит ҳуросаси билан биргаликда киритиш амалиётига ўтишда депутатларимизнинг фаолияти жиддий аҳамиятга эга.

ҚҲҲИ БЎҒИНЛАРДА

Депутатни яна раисликка сайлашди

Дарёлар ирмоқлардан бошланади, дейишди. Ирмоқлар қанчалик кўп ва серсув бўлса, дарёлар ҳам шунчалар азим бўлади.

ДАРВОҒЕ: Ҳозирги кунгача O‘zLiDeP тизимидаги жами 16 137 та бошланғич партия ташкилотларининг 9 993 тасида ҳисобот сайловлари бўлиб ўтди. Шундан 1 141 та БПТда янги раислар сайланган бўлса, 8 852 тасида намунали фаолият юритган етакчилар яна ўз ўрнида қолган.

ўша ирмоқлар ҳаракатига ўхшайди. БПТ фаоллари O‘zLiDeP сайловда дастурида белгиланган мақсад ва вазифаларни аҳоли ўртасида кенг тарғиб этиш, сиёсий куч фаолияти ҳақидаги ахборотларни етказиш, электорат манфаатларини ҳимоя қилиш билан бирга, фуқароларнинг ўзини ўзи бошқариш органлари, жамоат ташкилотлари билан ҳамкорликка алоҳида эътибор қаратишга етганлигини айтишди.



бири Даврон Соатов тумандаги 2-сон политехникум ҳузурида ташкил этилган қўйи бўғин раиси. Яқинда бўлиб ўтган ҳисобот сайлов йиғилишида етакчи ўтган йили амалга оширилган ибратли ишларини ҳам санаб ўтди. Хусусан, тарғибот-ташвиқот тadbирларидан ташқари қўйи бўғин аъзолари тумандаги Қаҳрамон маҳалласи Ўзбекистон кўчасида яшовчи аҳолини тоза ичимлик суви билан таъминлашга кўмаклашишди. Шунингдек, ҳудуддаги бошқа ижтимоий муаммоларни ҳал қилиш ҳамда аҳоли муружатларига ижобий ечим топишда ҳам депутатга яқин кўмакдош бўлишди.

Ниҳоят мазкур БПТ раиси, фидойи депутатнинг ҳисоботи қониқарли бўлгани учун у яна етакчиликка сайланди.

Баҳром МИРЗАҚОБИЛОВ, "XXI asr" муҳбири

ҲАМКОРЛИК



"UZBEKISTAN GTL" МЧЖга тажриба алмашиш учун

Янги Ўзбекистонимиздаги глобаллашув шароитида юксак салоҳиятли, масъулиятли, рақобатбардош кадрларни тайёрлаш ҳар қачонгидан долзарб масалага айланган. Ҳар қандай корхонани барқарор фаолият олиб бориши иқтисоддорли ва билимдон кадрларга боғлиқлиги ҳеч кимга сир эмас.

Қиём НАЗАРОВ, фалсафа фанлари доктори, профессор

Сайфулла ИКРОМОВ, "XXI asr" муҳбири



ПРЕСС-ТУР

ФАРҒОНАДА МАҲАЛЛА БАНКИРЛАРИ

ҚАНДАЙ ИШЛАЯПТИ?



2024 йил 16 декабрь куни давлатимиз раҳбари раислигида ўтган видеоселектор йиғилишида бандликни таъминлаш ва камбағалликни қисқартириш, янги иш ўринларини яратиш орқали аҳоли даромадларини ошириш борасида янгича ташаббус – худудларда тижорат банклари томонидан маҳалла банкирлари фаолияти йўлга қўйилган эди.

“Бизнесни ривожлантириш банки” АТБ тизимида йўлга қўйилган маҳалла банкирларининг дастлабки амалий натижалари, хусусан, улар томонидан жойларда амалга оширилаётган лойиҳалар билан яқиндан таништириш мақсадида 12-13 март кунлари Фарғона вилоятига ОАВ вакиллари учун пресс-тур ташкил этилди. Сафар давомида журналистлар вилоятда банк кўмагида амалга оширилаётган инвестицион лойиҳаларнинг бугунги истиқболларига ҳам гувоҳ бўлишди.

– Айни пайтда “Бизнесни ривожлантириш банки” АТБнинг вилоятда 1 та банк хизматлари офиси, 2 та 1-тоифали, 3 та 2-тоифали банк хизматлари марказлари фаолият кўрсатмоқда, – деди “Бизнесни ривожлантириш банки” АТБ Фарғона вилоят ҳудудий бошқармаси бошқарувчиси ўринбосари Ғайрат Сайдалиев. – Шунингдек, 6 та валюта айир-бошлаш шохобчаси орқали 121 300 нафарга яқин жисмоний ҳамда 11 200 нафардан ортқ юридик шахсга сифатли банк хизматлари кўрсатмоқда.

Пресс-турнинг илк манзили Фарғона шаҳри Сурхтепа маҳалласида истиқомат қи-

лувчи Улуғбек Пўлатов хонадонидан бошланди. Бу ҳовлида банк кўмаги билан 8 сотихлик иссиқхона барпо этилган. Унда бодринг ва булғор қалампери етиштириляпти. Ҳозирда маҳалла банкири фуқаронинг имкониятларини ўрганиб, яна қўшимча иссиқхона куриши учун “Маҳалла банкири” микроқарзи ажратилиши бўйича чоралар кўрмоқда.

Шу маҳаллада яшовчи Алишер Баҳромов ҳам банк кўмаги билан ўз хонадонидан туризм маскани барпо этипти. Умумий қиймати 500 млн сўмлик айни лойиҳа натижаси ўлароқ 1 йилда 1 200 нафар меҳмонга хизмат кўрсатиш имкони яратилади. Асосийси, Алишер аканинг 4 нафар маҳалладоши бу ерда иш билан банд бўлади.

Банкнинг яна бир миқдори – “Евей шоес” МЧЖда ишлаб чиқарилаётган оёқ кийимлари нафақат маҳаллий бозорга, балки қўшни республикалар – Тожикистон, Қозоғистон, Қирғизистонга ҳам экспорт учун қўтиларга жойланмоқда. Ишчи хизматчиларнинг қўли-қўлига тегмайди, аллақачон баҳоргидан ташқари, ёзги мавсумдоп пойабзалларга безак бериш билан банд.

– Тадбиркорлигимиз ривожда “Бизнесни ривожлантириш банки” ҳудудий филиалининг кўмаги ва ҳиссаси катта, – деди корхона иш бошқарувчиси Шерзод Собиров. – Банкнинг 500 млн сўм миқдоридagi кредити ортдан ўнга яқин доимий иш ўрни яратдик. Бир йилда 9,5 минг дона сифатли оёқ кийимлари ишлаб чиқариб, иқтисодиётимиз юксалишига ҳисса қўшяпмиз.

– Фарғона давлат университети бошланғич таълим факультети 3-курс талабасиман, сиртқи бўлимда контракт асосида ўқийман, – дейди болалар пойабзалининг таг қисмига елим суркаб, навбатдаги тайёрлаш босқичига узатаётган Муҳаррамов Асқарова. – Бу корхонада ишлаш менга жуда ёқади, аввало, уйимга жуда яқин, шароитлари кўнгилдагидек, тушлик ва толма чой корхонадан таъминланади. Маошларимиз вақтида берилади, бажарган ишимизга қараб 2,5 – 6 миллионгача хизмат ҳақи оляпман. Контракт тўловимни ўзим тўлайман.

Фарғона шаҳрида жойлашган “Беш бола бетон” МЧЖдаги жараён ҳам меҳмонларда катта қизиқиш уйғотди. Умумий қиймати 10 млрд сўм бўлган ушбу лойиҳа туфайли корхона томонидан сифатли қурилиш материаллари ишлаб чиқарилаётган. Банк томонидан жамиятга 5 млрд сўм кредит ажратилган ва натижада 15 та янги иш ўрни яратилган.

Пресс-турнинг иккинчи кунинда маҳалла банкирлари фаолияти натижаларига алоҳида эътибор қаратилди.

– Маълумки, Президентимизнинг 2025 йил 6 мартдаги “Маҳаллаларда томорқалардан самарали фойдаланишни ташкил этиш орқали аҳоли бандлиги ва даромадларини оширишга қаратилган ишларни янада жадаллаштириш тўғрисида”ги фармойишига кўра 11 мартдан бошлаб мамлакат бўйлаб “долзарб бир ойлик” сафарбарлиги эълон қилинди, – дейди “Бизнесни ривожлантириш банки” маҳалла банкири Дийрбек Шавкатов. – Ушбу тадбир доирасида маҳалла банкирлари ва мутасадди ташкилотлар томонидан “Бир маҳалла – бир маҳсулот” тамойили асосидаги ишлар йўлга қўйилди. Хусусан, ҳар бир маҳаллада етиштирилаётган маҳсулот турларини белгилаш ва қишлоқ хўжалиги ишларини ташкил этиш, камбағал оилаларга молиявий кўмак пакетларини (иссиқхоналар, ларранда, балиқ, чорва моллари, асаларичилик ускуналари, лимон, хурмо ва бошқа экиш материаллари) етказиб бериш борасида аҳолига ёрдам кўрсатилмоқда. Аҳоли даромадларини ошириш мақсадида микро-лоийхалар амалга ошириляпти.

Маълумот ўрнида айтиш жоизки, вилоят бўйича “Бизнесни ривожлантириш банки”га жами 116 та маҳалла бириктирилган. Улар учун 36 та маҳалла банкири ва 116 та маҳалла агенти жалб қилинган.

Бувайда туманидаги Тепалик маҳалласида яшовчи Шаҳнозахон Сатторова хонадонидagi иссиқхонада етиштирилаётган қулпнай ушбу оила даромадларини ошириш билан бирга, уларнинг бандлигини ҳам таъминлаёт-

тир. Маҳалла банкири иштирокида ажратилган 30 млн сўмлик кредит иссиқхона фаолиятини барқарор юритишга хизмат қилди ва яна иккита иш ўрни яратилди.

Туманининг ушбу ҳудудда деҳқон хўжаликлари томонидан ташкил этилган шолғом етиштириш тажрибаси “Бир контур – бир маҳсулот” тамойили асосида амалга оширилмоқда. 25 та оилга деҳқончилик учун ер ажратилиб, жами 150 млн сўм кредит берилган.

Шу каби лойиҳа туманининг Жов маҳалласида ҳам амалга оширилмоқда. Бу ерда деҳқонлар томонидан “Бир контур – бир маҳсулот” тамойили асосида сабзи етиштирилмоқда. Қарабизки, 50 нафар аҳоли мавсумий меҳнат билан машғул.

Тумандаги “Бастом бува сиҳатгоҳи” 1995 йилда қурилган, яхшигина таъмирталаб аҳолига келиб қолган эди. Бугун миқдорлар замонавий, қулай шароитлари бўлмаса дам олиш учун санаторийга келмаслигини яхши биласиз. Бундай шароит яратиш учун эса маблағга эҳтиёж сезилади. Бу борада жамиятга банк кўмаги жуда қўл келди. Қисқа вақтда амалга оширилган саъй-ҳаракатлар туфайли сиҳатгоҳ кўркем ва шинам, замонавий дам олиш масканига айланди-қолди. Умумий қиймати 8 млрд сўм бўлган мазкур лойиҳанинг 1 млрд сўми банк сармоясидан қопланди. Бир йилда 4,5 минг нафар дам олувчи хизмат кўрсатиш қуввати яратилган манзилда 15 та доимий иш ўрни ҳозирланди.

Гувоҳи бўлганимиздек, худудларни ижтимоий-иқтисодий ривожлантиришга “Бизнесни ривожлантириш банки” АТБ чинакам амалий ҳисса қўшмоқда. Татбиқ қилинаётган лойиҳалар туфайли қўшимча даромад манбалари ва иш ўринлари яратилмоқда, аҳоли дастурхонлари тўқинлашиб, одамларнинг ҳаёти фаровон бўлиб бораётир.

Нурхон ЭЛМИРЗАЕВА,
“XXI asr” муҳбири

Реклама ҳуқуқи асосида

21-MART

Navro'z

BAYRAMINGIZ
MUBORAK BO'LSIN!

BRB ilovasida 10 million so'mgacha
KOMISSIYASIZ o'tkazmalar

Переводы БЕЗ КОМИССИИ
до 10 млн сум в приложении BRB

1254
www.brb.uz

Ўзбекистон Фермерлар кенгаши

Жаннатмонанд ўлкамизда баҳор насимлари эсмоқда.

*Табиат уйғонмоқда, замин ўзининг гўзал, мафтункор
неъматларини бизга ҳадя этмоқда.*

*Лафзи ҳалол, меҳнаткаш, танти фермерларимиз ва
бободехқонларимиз Йилбошининг қутлуг қадамларидан*

шодмон кайфиятда дала юмушларини

аллақачон

бошлаб юборишди.

Қадимий байрам шукуҳи барчамизга

муборак бўлсин!

Ҳар кунимиз Наврўз бўлсин!



Навоий вилоятидаги

“КАРМАНА АЛФА ГАЗ СЕРВИС” МЧЖ

*Баҳорнинг қадами, гўзал либоси,
уш ифорлари ҳар бир инсон қалбига эзгулик, яхшилик,
ёшариш истагини уйғотади.*

*Айниқса бу бетакрор фасл ҳадя этадиган шарқона
янги йил – Наврўзи олам кириб келиши билан нафақат
бутун борлик, руҳиятимизда ҳам ўзгача эврилишлар
бўй кўрсатади.*

Байрамингиз қутлуг бўлсин, азизлар!



Хоразм вилоятидаги

“ХОНҚА ТАРАҚҚИЙОТ ҚУРИЛИШИ” ХУСУСИЙ КОРХОНАСИ ЖАМОАСИ

*юртимиз аҳлини янгилашни, яшариш, инсонийлик, меҳр-оқибат, мурувват
ва меҳнатсеварлик каби қадриятларни ўзида мужассам этган*

21 март – Наврўз умумхалқ байрами муносабати билан чин қалбдан қутлайди.

*Шарқона янги йил барчамизнинг хонадонимизга
худди баҳор элчиси бўлмиш
бойчечак каби умид ва орзу, файзу барака,
тинчлик-хотиржамлик ҳамда
қалбларимизга хушқайфият олиб кирсин!*

Байрамингиз муборак бўлсин, азиз ватандошлар!



Наманган вилоятидаги

“IDEAL NAM CITY” МАСЪУЛИЯТИ ЧЕКЛАНГАН ЖАМИЯТИ ЖАМОАСИ

*Наврўзи олам муносабати
билан барча юртдошларимизни чин
юракдан самимий қутлайди.*

*Кўнгилларни обод этувчи,
боқий қадриятлар куйчиси
бўлган Йилбоши –*

*Наврўз байрами муборак
бўлсин!*



МИЛЛИАРДЛАРНИ ХУРСАНД ҚИЛАЁТГАН ХУСАНОВ



Кейинги икки ойда дунёнинг энг машхур спортчиларидан бири ўзбекистонлик Абдуқодир Хусанов бўлди, десак муболага эмас.

Англиянинг номдор "Manchester city" футбол клуби таркибида ҳимоячи бўлиб майдонга тушаётган ўзбек боласи маҳоратга йўғрилган эпчил, кучли, моҳир ҳаракатлари билан жамоадешининг (яқинидами ёки майдоннинг нариги ярим бўлагидами, фарқи йўқ) шундоққина оёғининг учига тўп етказиб бериши... паровоз тезлигида тўп билан дарвозага яқинлашаётган рақибининг ортидан самолётда учган каби етиб бориб маҳорат билан рақиб измидаги тўпни эгаллаб олиши, жамоани кетма-кет хавфли вазиятдан чиқариши... машхур футбол жамоаларида ўйнай бошлаганига бир йил ҳам бўлмаган эса-да, йигирма ёшдан энди ҳатлаган йигитнинг футбол қироллигига даъвогар номдор ўйинчилар қаршида заррача қўрқмасдан, ўзини йўқотмасдан тўп учун курашда ёғлиб чиқшидан қалбнинг фаҳрга тўлади. Хуллас – ишқибозлар хайрату муҳаббат билан кузатаётган Абдуқодирнинг бу каби имкониятлари, хислатлари шу кунгача қилган катта меҳнату машғуллари натижаси эканидан, албатта. Ватандошимиз насиб этса дунё футболнинг юлдузларидан бири бўлишига ишонч тўлиб тошган видеолархалар, муносабат-



Абдуқодир Хусановнинг мана шу фазилатлари мени айни сатрларни ёзишга рағбатлантирди.

Ҳўвучлик, талабалик йилларимда ва ундан кейин ҳам доимий спорт билан шуғилланган, бир пайтлар футболнинг ашаддий мухлиси, қўл тўпи бўйича вилоят терма жамоаси аъзоси бўлган эсамда, кейинги ўйинликларда миллий футболимизга муносабатим "қўрмайин ҳам, куймайин ҳам" деган мақомга тушиб қолгани рост...

Таъблар, талаблар, мезонлар ҳар кимда

ларнинг сони миллионлардан миллионларга сакрамочка.

Яна бир аjoyиб ҳолат: мухлислар "Бугун Хусанов майдонга тушармикан?" ёки "Хусанов албатта асосий таркибда ўйнайди" деган саволу мулоҳазалар билан кутган футбол беллашувлари ни тасвирга олувчилар камераси воситасида, назаримда, экранларда ўйинчилар кўринган лаҳзалардан бошлаб судья мусобақага яқиний ҳуштак чалғунига қадар яшил майдонда куч, маҳорат, вазиятчи тез ва тўғри англаб хатосиз ҳаракат қилаётган ўзбекистон фарзандининг ортидан эргшиб юргандек: кийимхонадан қандай чиқиб келяпти, жамоадешлар билан қандай муносабатда, мақтовлардан хижолат тортиши... Энди ўйинда, Абдуқодир беихтиёр автогол соҳибчи-

Ўзи га хос – бу табиий ҳол. Бир одамнинг, нарасаю ҳодисанинг ҳамма томонидан бирдек оқланиши, яхши кўриб қолиниши, эътироф этилиши камёб ҳодиса. "Гадонинг душмани гадо бўлади", деб халқ айтган, бир соҳа одамларининг бир-бирини, айниқса, зўрнинг зўрни тан олиши осонмас. Бугун ижтимоий тармоқни кузатиб, Абдуқодир Хусанов ҳақида "Manchester city"нинг бош мураббийи – ўта талабчан Пеп Гвардиоладан тортиб жамоанинг ўйинчилари, миллионлаб футбол мухлислари, футбол афсоналарининг фикрларини тинглаб, ўқиганим сайин уларга меҳрим, ҳурматим ортомқда: "Хусанов – машина, унга қарши ўйнаш қий-

ин", "Мен бу ўйинда бир неча гол уришим мумкин эди, лекин Хусанов бунга йўл бермади", "Хусанов жуда тез югуради", "Хусанов мисоли Шварцнеггер"...

Абдуқодир катта футболга қадам кўйганининг иккинчи ойида "Февралнинг энг яхши ҳимоячиси" деб эътироф этилиши ана шу муштарак фикрлар қанчалар тўғри эканини кўрсатиб турибди...

Ўзи ҳақидаги бундай хилма-хил самимий, чиройли фикр-мулоҳазаларга футболчимизнинг жавоби, муносабати ундан-да гўзал. Болалик беғуборликларига тўла юз-кўзларида ёруғ табассум, мақтовлардан хижолат тортаётгани ҳам аён. Саволларга жавоби қисқа, камсуқум: ўзи учун шахсий эмас, жамоа ютуқлари муҳимлиги, яна ҳам яхшироқ ўйнаши мумкинлиги, жамоадешлария мухлислардан миннатдорлигини айтади.

Абдуқодир Хусанов футбол майдонидан туриб ҳақиқий ўзбек ўғлонининг зоҳирий, ботиний олами дунёга танитаётганга ўхшади. Асрлар давомида жаҳон илм-фани, маданияти, маънавияти, ижтимоий тараққиётга беқиёс ҳисса кўшиб келатган ўзбекининг чин ўғлонлари мана шундай бўлади, ўзларини майдонда кўрсатадилар. Уларга мақтанчоқлигу мақтовга ўчлик, жар солишлар, қўқракка уриб обрў олишга интилиш тамоман ёт иллат. Шундай инсонларни аввало Худойим қўллайди.

Сўзимни шу жойда тугатмоқчи эдим, аммо... кечагина Абдуқодир Хусанов мамлакатимиз терма жамоаси таркибида жаҳон футбол чемпионатининг саралаш ўйинларида иштирок этиш учун Тошкентга келди. Бу кутилган, ўзбекистонлик мухлислар "Абдуқодирни яқиндан кўриб қолармиканми?" деган орзулар билан интиқ кутаётган воқеа эди. Ниҳоят, ижтимоий тармоқда Хусанов Тошкентга учиб келгани ҳақидаги маълумотлар, тасвирлар пайдо бўлди. Эҳ-ҳе, қанақалиги ўзингизга маълум: кутиб олгувчилар аjoyиб "сюрприз"лари борлигини айтиб, Абдуқодир Хусановни катта қора машина олдиға олиб бордилар, калити топширилди. Тадбирни ташкил этувчилар автомобилнинг ҳайбати, нархидан хайрату ҳавасларини сира яширишмади. Яна шунга ўхшаш оила ёки дўсту ёронлар даврасида маслаҳатлашилса, гурунқ қи-

линса бўладиган маиший гаплар...

...Абдуқодир Хусанов санокли кунлардагина юртимизда бўлади. Қирғизистон ва Эрон терма жамоаси билан саралаш ўйинларидан кейин яна Англияга учди. У Ўзбекистонда футбол ўйинининг ривожини, болаларнинг энг сеvimли машғулоти бўлган бу соҳа янада оммалашуви, янги-янги иқтидорлар етишиб чиқиши, уларнинг аниқлашиб тарбияланиши учун амалга оширилатган тадбирларнинг илк ютуқ-натижаси тимсоли. Энди қайси юртга бормасин, қайси майдонда ўйинга тушмасин, Абдуқодир Хусанов Ўзбекистон тимсолига шаъни, юртимизда ёшлар камолотиға, спорт ривожига шахсан Президентимиз томонидан кўрсатилатган ғамхўрликнинг яққол намунаси сифатида тилга олинади.

Омади бор экан, "Manchester city" футбол клуби бош мураббийи вақтида отини қамчилаб Абдуқодир билан шартнома тузди. Ижтимоий тармоқлардаги хабарларга кўра, бу истиқболли футболчини ўз жамоасига таклиф этмоқчи бўлган номдор клублар бор. Ижтимоий тармоқларда Абдуқодирга Англияда ҳамма шароит яратилгани (машина, ҳатто шахсий самолёти ҳам бор, деб айтади) маълум қилинди. Эрондаги саралаш ўйинларидан кейин унинг ўзини Англияга самолёт олиб кетиши ҳақида хабар берилди... Бугун дунёнинг номдор стадионларида Хусанов билан боғлиқ равишда Ўзбекистон байроқлари баланд кўтарилмоқда, унинг шаъниға хорижий футболсеварлар ўзбекча кўшиқ яратиб куйлашапти.

Шундай аjoyиб воқеалар бўлиб турган вақтда Тошкентда Абдуқодир Хусановни машина калити билан кутиб олигани бу машинанинг "хай-хай"лигидан ўзимиз хайратланиб туришимиз ва бу ҳолат дунё ахборот оқимиға кўшилиши... алам қилади! Мухлисларнинг, халқнинг, Абдуқодирга ўхшашни орзу қилиб кўзлари чакноқ ёшларнинг муҳаббати, миннатдорлиги, фахри ифодалари; қисқа вақт ичида Ватан ва халқи шаънини байроғи каби баланд кўтаришга улгурган Абдуқодир Хусановнинг она тупроқдаги самимий сўзлари дунёга тарқалса, жуда ўринли ва ярашимли бўлармиди...

Муҳтарама УЛУҒОВА

САМАРҚАНД ШАҲАР ҲОКИМЛИГИ ОБОДОНЛАШТИРИШ БОШҚАРМАСИ ЖАМОАСИ

ватандошларимизни Наврўзи олам билан қутлайдۇ!

Ободлик кўнгиладан боғиланади, деганларидек, қадрим ва ҳаммийа навқирон Самарқанд шаҳрини ҳаммийа тоза-озода, шилнам ва кўркам, латофатли бўлимоғи йўлида маънақатли ҳамда ғарафони вазиғани уздалайтганимиздан мамнуриemiz, албатта.

Тарқиғилдошларимизга фараҳбахши ва мафтункор айём муборак бўлсин!



MUASSIS: TADBIRKORLAR VA ISHBILARMONLAR HARAKATI – O‘ZBEKISTON LIBERAL-DEMOKRATIK PARTIYASI



Бош муҳаррир
Норқобил ЖАЛИЛОВ

Тахрир хайъати:

Ақтам ХАЙТОВ
Бахтиёр ЯКУБОВ
Мавлуда ХУЖАЕВА

Сирожиддин САЙИД
Дилшод ШОУМАРОВ
Равшан МАМУТОВ

Нодир ЖУМАЕВ
Мадина БАРОВА
Шухрат АСЛОНОВ

Тахририят манзили:
Тошкент шаҳри
Нукус кўчаси 73А-уй.

электрон почта:
xxi_asr@mail.uz
xxi_asr@mail.ru



Телефонлар:

қабулхона –
71 215-63-80
(тел. факс).

Обуна ва реклама бўлими –
71 255-68-50.

"XXI asr" ижтимоий-сиёсий газетаси Ўзбекистон Матбуот ва ахборот агентлиги (ҳозирги Ўзбекистон Республикаси Президентининг Администрацияси ҳузурдаги Ахборот ва оммавий коммуникациялар агентлиги)да 2011 йил 14 июнда 0009-рақам билан рўйхатдан ўтказилган.

"Шарқ" нашриёт-матбаа акциядорлик компанияси босмахонасида чоп этилди.

Корхона манзили:
Тошкент шаҳри Буюк Турон кўчаси 41-уй.
Газета офсет усулда. А-2 форматда
босилди. Ҳажми – 4 босма табоқ,
Буюртма рақами: Г – 345
Адади: 6029
Баҳоси келишилган нархда.
Топширилди – 20:40

Тахририятга келган қўлёзмалар тақриз қилинмайди ва муаллифларга қайтарибмайди.

© "XXI asr" нд олинган маълумотларга манба сифатида газета номи кўрсатилиши шарт.

Муаллифлар фикри тахририят нуқтаи назаридан фарқ қилиши мумкин.

Газета тахририят компьютер марказида терилди.

Саҳифаловчи:
Маъруфжон Раҳмонов

ISSN 2181-497X



НАШР КЎРСАТКИЧИ: 406
123456

Навбатчи муҳаррир:
Нурхон ЭЛИМИРЗАЕВА